



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 60. redovnoj sjednici, održanoj 11. marta 2020. godine, usvaja

ZAKON O IZMJENAMA I DOPUNAMA ZAKONA O TRGOVINI

Član 1

U Zakonu o trgovini (Službeni glasnik Brčko distrikta Bosne i Hercegovine, brojevi: 40/04 i 19/07) član 4 mijenja se i glasi:

„Član 4

Uslovi za obavljanje trgovine su minimalno tehnički uslovi koji se odnose na poslovni prostor, uređaj i opremu (u daljnjem tekstu: minimalno tehnički uslovi), kao i uslovi za rad radnika zaposlenih kod trgovca.

Prilikom registracije djelatnosti kod registarskog suda, trgovac je obavezan podnijeti potpisanu i ovjerenu izjavu o ispunjenosti minimalno tehničkih uslova, kao i uslova za rad radnika zaposlenih kod trgovca (u daljnjem tekstu: Izjava).

Trgovac može otpočeti obavljati djelatnosti, mijenjati djelatnost i uslove obavljanja djelatnosti nakon registracije djelatnosti kod registarskog suda.

Izjava se može podnijeti u elektronskom obliku, u skladu s propisima o elektronskom dokumentu i propisima o elektronskom potpisu.

Izuzetno od stava 3 ovog člana, trgovac koji je registrovan na području drugog nadležnog registarskog suda, a čije se sjedište podružnice nalazi na području Brčko distrikta Bosne i Hercegovine, može otpočeti obavljati djelatnost nakon što podnese Izjavu Odjeljenju za privredni razvoj, sport i kulturu.

Ispunjenost uslova iz stava 1 ovog člana utvrđuju nadležne inspekcije u redovnom inspekcijskom pregledu.

Uslovi iz stava 1 ovog člana, izgled, sadržaj i način podnošenja Izjave, utvrđuju se pravilnikom koji donosi šef Odjeljenja za privredni razvoj, sport i kulturu.“

Član 2

U članu 5 stavu 2 iza riječi: „organa“ interpunkcijski znak zarez: „,“ i riječi: „rješenje o ispunjenosti minimalnih tehničkih uslova (original ili ovjeren prepis)“ se brišu.

Član 3

U članu 19 stavu 1 tačka 3 i stav 2 se brišu.

Član 4

Član 67 se mijenja i glasi:

„Član 67

Nadzor nad sprovođenjem ovog zakona vrši tržišna inspekcija, a u pogledu ispunjenosti uslova iz člana 4 ovog zakona i druge nadležne inspekcije.“

Član 5

U članu 69 iza riječi: „inspektor“ dodaju se riječi: „i drugi nadležni inspektori“.

Član 6

U članu 74 stavu 1 tačke 1 i 2 mijenjaju se i glase:

- „1. ako podnese neistinitu Izjavu (član 4 stav 2);
2. ako obavlja trgovinsku djelatnost bez prethodne registracije djelatnosti kod registarskog suda (član 4 stav 3 i član 5 stav 1), odnosno ako obavlja trgovinsku djelatnost bez prethodnog podnošenja Izjave (član 4 stav 5)“.

Član 7

U članu 77 stavu 1 u tački 2 iza riječi: „organa“, „interpunkcijski znak zarez: „,“ i riječi: „kao i rješenje o ispunjavanju minimalno-tehničkih uslova za obavljanje trgovinske djelatnosti“ se brišu.

Iza tačke 28 interpunkcijski znak tačka „.“ se zamjenjuje interpunkcijskim znakom tačka-zarez: „,“ i dodaje nova tačka 29 koja glasi:

„29. ako ne postupi u skladu s rješenjem o otklanjanju utvrđenih nedostataka (član 69.)“.

Član 8

Iza člana 80 dodaje se naziv poglavlja koje glasi: „IX. PRELAZNE I ZAVRŠNE ODREDBE“.

Član 9

U članu 81 stavu 1 brojevi: „4 i 17“ se brišu.

Iza stava 1 ovog člana dodaje se novi stav 2 koji glasi:

„Pravilnik iz člana 4 stava 7 ovog zakona donosi šef Odjeljenja za privredni razvoj, sport i kulturu u roku od 30 dana od dana stupanja na snagu ovog zakona“.

Član 10

Riječi: „IX. PRELAZNE I ZAVRŠNE ODREDBE“ iza člana 81 se brišu.

Član 11

Postupci registracije djelatnosti, mijenjanja djelatnosti i uslova obavljanja djelatnosti, započeti prije početka primjene ovog zakona, završit će se prema odredbama Zakona o trgovini (Službeni glasnik Brčko distrikta Bosne i Hercegovine, brojevi: 40/04 i 19/07).

Član 12

Ovaj zakon stupa na snagu 8. (osmog) dana od dana objavljivanja u Službenom glasniku Brčko distrikta Bosne i Hercegovine, a počinje se primjenjivati od 1. 1. 2021. godine.

Broj: 01-02-818/20
Brčko, 11. 3. 2020. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**